

PERBELANJAAN GERAN PEMBANGUNAN PROGRAM SME INVESTMENT PARTNER DAN PROGRAM GOING EXPORT

Perbadanan Perusahaan Kecil dan Sederhana Malaysia

Kementerian Pembangunan Usahawan dan Koperasi

Perkara Utama

Apa yang diaudit?

- Pengauditan Pematuhan terhadap Perbelanjaan Geran Pembangunan Program SME Investment Partner (SIP) dan Program Going Export (GoEx) oleh Perbadanan Perusahaan Kecil dan Sederhana Malaysia (SME Corp.). SME Corp. berperanan sebagai agensi penyelaras pusat dan pelaksana program pembangunan bagi perusahaan kecil dan sederhana (PKS).

Mengapa ia penting untuk diaudit?

- Menentukan sama ada geran pembangunan bagi Program SIP dan Program GoEx yang diterima telah dibelanjakan bagi tujuan yang diluluskan mengikut undang-undang, garis panduan, peraturan kewangan dan perjanjian yang berkuat kuasa.

Apa yang ditemui Audit?

- Secara keseluruhannya, RM42.79 juta (71.9%) peruntukan yang diterima telah dibelanjakan dan memberi manfaat kepada PKS. Bagaimanapun, baki geran pembangunan berjumlah RM16.73 juta (28.1%) yang tidak dibelanjakan merupakan kos melepasi kepada PKS dan Kerajaan kerana peruntukan tersebut tidak dapat dimanfaatkan sepenuhnya.

Apa yang disyorkan Audit?

- Pihak Audit mengesyorkan perkara seperti berikut:
 - SME Corp. perlu merancang dengan teliti dan mengambil kira semua keperluan PKS sebelum memohon peruntukan dana daripada Kementerian bagi menjalankan program; dan
 - Kementerian Pembangunan Usahawan dan Koperasi, Kementerian Ekonomi dan Kementerian Kewangan hendaklah memantau prestasi perbelanjaan program bagi memastikan geran yang diberi kepada agensi dibelanjakan

sepenuhnya bagi maksud tujuan geran tersebut diberi. Sekiranya geran tidak dibelanjakan sepenuhnya, baki geran perlulah dipulangkan dengan segera supaya dapat digunakan untuk program pembangunan yang lain.